

Supervizor Scanlan prisustvovao akademiji povodom obilježavanja 19. godišnjice Policije Brčko Distrikta



Supervizor Brčko Distrikta i prvi zamjenik visokog predstavnika Michael Scanlan završio je svoju dvodnevnu posjetu Distriktu, u okviru koje je sudjelovao na ceremoniji obilježavanja 19. godišnjice Policije Brčko Distrikta.

Supervizor Scanlan je pohvalio policijske snage Distrikta za njihov rad u službi zajednice, kao i za profesionalnost i izuzetnu koordinaciju sa drugim policijskim snagama koje djeluju preko administrativnih linija razgraničenja i međunarodnih granica kako bi se osiguralo efikasno provođenje policijskih zadataka i dužnosti. (<https://www.ohr.int/?p=102124>)

Tokom posjete Distriktu, supervizor Scanlan sastao se i sa predstavnicima nacionalnih manjina kako bi razgovarali o statusu provedbe Okvirne konvencije o zaštiti nacionalnih manjina u Brčkom, koju je BiH ratificirala 2000. godine. „Aktivno podržavanje nacionalnih manjina u ovoj zajednici nije samo čin dobre volje vlasti Distrikta nego i obaveza koja proizlazi iz Konvencije“, rekao je supervizor Skanlan.

U okviru susreta sa vjerskim vođama, sa ciljem diskusije o

kritičnoj situaciji u pogledu masovnog odlaska mladih iz Distrikta, supervizor Scanlan se sastao sa protojerejem stavroforom Srpske pravoslavne crkve u Brčkom, Draganom Ćirkovićem. U jučerašnjem govoru, supervizor je odlazak mladih naveo kao prioritetni izazov za Distrikt koji se treba hitno rješavati.

U nastavku dijaloga sa ciljem što bržeg vraćanja na reformske aktivnosti u Brčko Distriktu u toku ove godine, supervizor Scanlan se sastao sa gradonačelnikom Distrikta Sinišom Milićem i predsjedavajućim Skupštine Esedom Kadrićem te njihovim zamjenicima Antom Domićem i Ivom Filipovićem.